

AMABWIRIZA Y'IKORESHA RY' IKORANABUHANGA RIGIZWE N'ISAHA IFASHA GUKURIKIRANA ABARWAYI BA COVID-19 BAKURIKIRANWA BARI MU RUGO (HOME BASED CARE)

Ubuyobozi bw'ikigo cy'Igihugu Gishinzwe Ubuzima RBC buramenyesha ko umuntu wese urengeje imyaka 10 y'amavuko, ufite uburwayi bwa COVID-19 ukurikiranwa ari mu rugo (Home-Based Care) yambikwa isaha ifasha abakozi b'iki kigo gukurikirana ko amabwiriza yo kuguma mu rugo kuri abo barwayi yubahirijwe neza. Kubera izo mpamvu:

1. Igikorwa cyo kwambika no kwambura isaha abakurikiranwa bari mu rugo gikorwa gusa n'itsinda ry'abaganga, abakozi ba RBC n' abapolisi bakorana babifitiye uburenganzira.
2. Igihe ukurikiranwa ari mu rugo yamaze kwambikwa isaha arayigumana igihe cyose kugeza igihe abakozi babifitiye uburenganzira bayimukuriyemo.
3. Birabujijwe kwikuriramo isaha bidakozwe n'abayambitse umurwayi babifitiye uburenganzira.
4. Birabujijwe gusohoka mu rugo aho umurwayi akurikiranirwa igihe cyose yambaye iyi saha.
5. Umurwayi yemerewe gusohoka gusa agiye gukoresha ikizamini nyuma y'iminsi cumi n'ine (14) uhereye igihe yashyiriwe muri gahunda ya Home-Based Care. Icyo gihe amenyesha itsinda ryamwambitse isaha kuri 0788311026 , 0788380179 cyangwa agahamagara k'umurungo utishyuzwa 114 agahabwa uburenganzira bwo kujya gufatisha ikizamini ku Kigo nderabuzima.
6. Mu gihe isaha igize ikibazo bitewe n'impamvu zidaturutse ku murwayi wayambitswe, uwo murwayi afite inshingano zo guhita abimenyesha itsinda ryayimwambitse kuri 0788311026 , 0788380179 , inzego z'ibanze se cyangwa agahamagara k'umurungo utishyuzwa 114 kugira ngo ahabwe ubufasha bwihuse.
7. Umurwayi wambaye isaha afite inshingano yo kuyifata neza igahora ifitemo umuriro kugirango ikoranabuhanga ikoreshe ridahungabana, akanayirinda kwangirika kuko ari igikoresho ngirakamaro kizafasha nabandi.
8. Umurwayi wangije isaha azajya yishyura ikiguzi cyayo gihwanye na **60,000Frw**
9. Kurenga ku mabwiriza yo kuguma mu rugo mu gihe umuntu arwaye COVID-19 bihanishwa igihano cyo gucibwa amande kigenwa n'ubuyobozi bw'ibanze aho umurwayi atuye.